

Innspel til kommuneplanen sin samfunnsdel

Ungdomsrådet i Osterøy kommune har gått gjennom og diskutert kommuneplanen sin samfunnsdel og har følgjande innspel:

Folketalsutvikling

Kommunen bør arbeida og leggja til rette for å auka folketalet på Osterøy. Det betyr at fleire område bør omregulerast til bustadområde.

Oppvekst

Osterøy ungdomsskule bør pussast opp.

Kommunen bør evaluera skulenedlegginga.

Kommunen må sørge for at det fins antimobbeprogram på alle skular i kommunen, og sørge for kursing av lærarar, samt støtte og hjelp i utfordrande saker.

Det bør opprettast eit organ i kommunen som kan ta i mot klager på handtering av t.d. mobbesaker, dersom elevar og føresette opplever å ikkje få hjelp på dei enkelte skulane/barnehagane.

Kommunen bør sjå til Bruvik for inspirasjon til utforming av areal (både inne og ute) til uorganisert aktivitet.

Fritid og fellesskap

Innflyttarar som kjem frå asylmottak bør få tilbod om bustad i sentrale områder. Det er bra at ikkje alle bur på same stad.

Kommunen bør øymerke noko av kulturmidlane til formål som kjem born og ungdom til gode.

Kommunen bør vera behjelpelege med å finna eller stilla med lokale til eventuell ungdomsklubb.

Arealstrategi

Kommunen bør jobba for å betra kollektivtilbodet på Osterøy. Både for å få folk til å bruka meir kollektivtransport av miljøsyn, og for å avgrensa mengda trafikk og slitasje på vegane.

Ungdomsrådet meiner at kommunen bør utbetra alle vegar på øya som treng det. Områda der det er skuleborn bør prioriterast.

Under utbetring av vegane bør det lagast til gang- og sykkelveg der det er mogleg.

Turområder og landbruksareal utan skog bør vernast mot utbygging.

Arbeid og næringsliv

Kommunen bør arbeida for å oppretthalda industri og jordbruk på Osterøy.

Kommunen bør også leggja til rette) for nye bedrifter som ønskjer å starta opp (mindre byråkrati, areal).

Dersom kommunen vil behalda innbyggjarar med høgare utdanning bør dei leggja betre til rette for pendling.

Kommunen må leggja til rette for bedrifter/arbeidsplassar som anset folk med høgare utdanning.

Også barneskulane bør ha utdanningsval på timeplanen for å sikra at born og ungdom veit kva som fins av karrieremoglegheiter på Osterøy og omegn.

Elevar bør få fleire moglegheiter til å hospitera og prøva seg i ulike yrker.

Rådgiving for yrke- og linjeval på vgs bør bli betre og koma tidligare i skuleløpet enn det er no.